

三十一史精義

五九八  
類號函架

內閣文庫  
漢書  
九〇二五  
類號函架


內閣文庫	
番號	漢 9025
冊數	6 (1)
函號	298 8

史鈔三編


298-8











序

善讀史者上下古今鑒  
治亂興衰之故通質文  
損益之宜豫其才以資  
世用常不背於先王之

淺草文庫



經此三長之義有足尚  
焉若徒取記載之工沾  
沾於文詞之末雖方駕  
馬班聯鑣范陳猶無與  
於修齊治平之要也然



則精義之輯也何居曰  
吾以為文章之助也夫  
史何事於文且史固有  
本末安能鉅裂篇章  
指一斑以言豹庸有當



於作述之意耶曰吾聞  
之海上之賈矣賈者泛  
舟而遇絕島夜光翠  
鞋鞞琅玕之屬充牣其  
中將負而趨則山不可

攀擇而取之又病其不  
足也於是乃不顧而去  
之其曹偶往者隨所取  
携掌握之物皆足以富  
教世實人後悔每望洋



西欵云彼食桑之蠶何  
意於黼黻元黃公之  
搢夫爭路寧有閔於  
也操觚之家其或有以  
取此欵

乾隆二十八年七月

疎翁王南珍書





史記採百氏之言成一家之書河既入海  
無復河名今不更詳其所出全歸於海矣  
漢書自武帝以還多因司馬舊史今錄始  
於昭紀



例言  
史記採百氏之言成一家之書河既入海  
無復河名今不更詳其所出全歸於海矣  
漢書自武帝以還多因司馬舊史今錄始  
於昭紀  
三國志薈萃羣書如漢晉春秋九州春秋  
魏畧吳錄江表傳之類悉別之若魏之帝  
蜀之主吳之權稱如志舊云



宋齊梁陳魏齊周隋代皆有史其間美刺  
詳畧互有異同今各從其本傳  
南北史與本史體制不侔雖沿襲成書而  
損益搜羅多聞爲富今取其有異於本史  
者錄之  
揭篇名於精義之上使欲觀全豹者易於  
披尋本以自備遺忘間有繫註亦屬隨筆  
學者要當遍涉全書碎金片璧卽繁釋博

箋何裨寡陋固不暇致詳也

史漢二書儒者無不卒業擘壽以來諸史  
未易數窺晉書時見高妙唐宋卷帙實繁  
故所錄稍多非得粗而畧其精也  
史家叙事或括就簡該或鋪張漫衍善讀  
者玩索而有得焉于以見古人之制作啓  
後來之文心陶鑄性靈豈不有資藝苑哉



史家

史記漢司馬遷作遷當墳典缺亡之後據  
左氏國語采世本戰國策述楚漢春秋貫  
穿經傳旁搜史子創為本紀書表世家列  
傳後世史官所取法焉

漢書後漢班固因遷雄向歆之文以成書  
所為表志未竟而卒其妹曹昭踵成之  
後漢書宋范曄集司馬彪華嶠謝沈袁山



松諸家作

三國志蜀陳壽作宋裴松之取張華顧愷  
之司馬彪山濤皇甫謐荀綽葛洪譙周韋  
昭諸家補註

晉書唐房玄齡等取謝靈運蕭子雲蕭子  
顯陸機崔鴻諸作增損成書天文律歷屬  
李淳風掌故屬于志寧紀傳屬顏師古孔  
穎達

宋書梁沈約撰以何承天爲本旁採山徐  
諸作刪補成書  
齊書梁蕭子顯撰始江淹爲十志沈約爲  
齊紀而子顯自表武帝別爲此書  
梁書陳書並唐姚思廉作廉父察爲梁陳  
史官錄二代之事未就而卒廉繼父志成  
其書  
魏書北齊魏收作初魏史官崔浩高允皆



有編年書太和中李彪崔光始分紀傳表  
志及收奉詔修撰悉焚舊書其後隋魏澹  
唐張太素各爲魏書今俱不傳  
北齊書唐李百藥作本出隋王邵邵稱爲  
良史後李德林稍益紀傳德林子百藥仍  
其舊錄復加新緝  
後周書唐令狐德棻請撰次周書詔與陳  
叔達庾儉成之

隋書唐魏徵總史事顏師古孔穎達奉詔  
述作

南史北史唐李延壽撰

唐書宋宋祁歐陽修撰

五代史宋歐陽修撰

宋史遼史金史元脫脫與歐陽玄揭傒斯  
等纂修

元史明宋濂王禕撰



二十一史精義卷一

史記

漳浦王南珍輯

五帝本紀披山通道未嘗寧居

披山林草木以通道路

日月所照莫不砥屬

莫不砥平而來服屬

夏本紀蠶蠶穆穆為綱為紀

言禹之德如是

始皇本紀入河魚大上輕車重馬東就食

河水溢魚大上

秦人就東食魚



鬼薪

取薪給宗廟三歲刑也

秦王為人蜂準長目摯鳥膺豺聲少恩而虎

狼心居約易出人下得志亦輕食人

尉繚之言

天下大酺

令天下大飲酒

後屬疏遠相攻擊如仇讐

周封同姓其後更相誅伐李斯之語

是樹兵也

始皇曰天下初定又復立國是樹兵也

普天之下搏心揖志

專一其心戢合其志琅邪臺立石刻頌之文

恩肥土域

碣石刻文

人則心非出則巷議

黥為城且

髡鉗輸邊日伺寇虜夜築長城四歲刑也

丞相諸大臣皆受成事倚辨於上

天下畏罪持祿莫敢盡忠上不聞過而日驕

下懾伏謾欺以取容

不中用者盡去之

始皇收天下之書

吾使人廉問

廉察也

諸生傳相告引

轉相舉告牽引



大臣鞅鞅特以貌從臣

趙高語鞅  
鞅怨望意

周廬設卒甚謹

周廬舍設衛  
以備不虞

項羽本紀

楚雖三戶亡秦必楚

諸將皆懼服莫敢枝梧

諸侯軍救鉅鹿下者十餘壁莫敢縱兵及楚

擊秦諸將皆從壁上觀楚戰士無不一以當

十楚兵呼聲動天諸侯無不人人惴恐

多奴虜使之

諸侯吏卒折  
辱秦之降軍

人言楚人沐猴而冠耳

夜聞漢軍四面皆楚歌

高祖本紀

常折券棄責

棄責不  
取償也

聞令有重客

項羽為人慄悍猾賊

譬猶居高屋之上建瓴水也

言秦中地  
勢便利

呂后本紀

君知其解乎

解解  
說也

未敢訟言誅之

訟言  
公言



民務稼穡衣食滋殖

滋殖滋生也

孝文本紀 新噍血京師

噍漢書作喋履也

犬牙相制此所謂磐石之宗也

宋昌曰所言公公言之所言私王者不受私

周勃迎代王請間言宋昌却之乃跪上璽符

天下人民未有嗛志

嗛猶慊漢書作慝

而又飭兵厚衛

厚衛厚其衛也

陵轢邊吏

註誤吏民

陷吏民於罪

孝武本紀 能使物卻老

李少君能使鬼物有卻老方

善為巧發奇中

時去時來來則風肅然也

形容神君之跡

不相中得相危以法

中不相得以法相傾

間者河溢臯陸隄繇不息

臯陸水旁陸地隄繇築隄之役

神未至而百鬼集矣

泰帝使素女鼓五十弦瑟

泰帝太昊伏羲氏



越祠雞卜始用焉

嶺南有雞卜之法

僊人好樓居

將以望祠蓬萊之屬冀至殊庭焉

殊庭殊異之域

於是作建章宮度為千門萬戶前殿度高未央其東則鳳闕高二十餘丈其西則唐中數十里虎圈其北治大池漸臺高二十餘丈名曰泰液池中有蓬萊方丈瀛州壺梁象海中神山龜魚之屬其南有玉堂壁門大鳥之屬

乃立神明臺井幹樓度五十餘丈輦道相屬

焉

表其澤流枝庶

驕騫爭權喜揚聲譽

禮書楚人鮫革犀兕所以為甲堅如金石宛

之鉅鐵施鑽如蠶蠶輕利剽速卒如燦風

軒房皇周浹曲直得其次序聖人也

房皇猶旁皇徘徊也

樂書沐浴膏澤而歌詠勤苦



樂春歌青陽夏歌朱明秋歌西皞冬歌立冥

律書六律為萬事根本焉規矩權衡之類皆本六律

自含血戴角之獸見犯則校而況於人

後且擁兵阻阨選蠕觀望蠕音軟選蠕謂動身欲有進取之狀

天官書王良策馬車騎滿野王良星在天駟之旁動則有兵

北夷之氣如羣畜穹閭南夷之氣類舟船幡

旗

若煙非煙若雲非雲郁郁紛紛蕭索輪囷是

謂卿雲謂卿雲者其色如雲其狀如雲

天開縣物地動坼絕山崩及徙川塞谿壅水

澹澤渴地長見象城廓門閭閨臬枯橐宮廟

邸第人民所次謠俗車服觀民飲食五穀草

木視其所屬倉府廩庫四通之路六畜禽獸

所產去就魚鱉鳥鼠觀其所處鬼哭若呼其

人逢悟化言誠然逢悟謂相逢而驚也索隱以化字為訛字之誤今尋文義皆兩句成

韻或所引用耶



兵相駘藉

駘藉登躡也

此其犖犖大者

犖犖分明也

蒼帝行德天門為之開赤帝行德天牢為之

空

春主生發故布澤行惠夏主舒散故赦過宥罪

風雨破石

不德則風雨破石

平準書百姓抗弊以巧法

抗耗也

自公孫弘以春秋之義繩臣下取漢相張湯用峻文決理為廷尉於是見知之法生而廢

格沮誹窮治之獄用矣

見知不舉者有罪廢格命令及沮敗誹謗者皆窮治之

於是縣官大空而富商大賈或蹠財役貧轉穀百數廢居居邑封君皆低首仰給

蹠積貯也賣之為廢

畜之為居謂居賤物於邑中以待貴

天用莫如龍地用莫如焉人用莫如龜

三人言利事析秋毫矣

東廓咸陽孔僅桑弘羊三人

用恫急刻深為九卿

謂義縱尹齊王温舒等



微反脣

大農顏異客語詔令不便者異不  
應微反脣張湯治以腹誹論死

有腹誹之法

口雖不言而  
腹中非議也

江南火耕水耨

燒草下水  
以種稻也

縣官當食租衣稅而已

卜式  
之言

齊太公世家

東馬懸車登太行

楚世家

坼剖而產焉

楚之先陸終生子  
六人坼剖而產

弱弓微繳加歸雁之上

澤中之麋蒙虎之皮人之攻之必萬之於虎

言虎人猶攻之若麋而蒙  
虎皮則攻尤易利尤大也

越世家

且鷲鳥之擊也必匿其形

越大夫逢  
同之言

耕畜廢居候時轉物逐什一之利

范蠡自謂  
陶朱公

乘堅驅良

車馬  
之奉

趙世家

城中懸釜而炊

知伯引汾  
水灌晉陽

一日不作百日不食

夫有高世之名必有遺俗之累

今吾將胡服騎射

武靈王始為  
此以教其民



母為怨府母為禍梯李兌之言

聖人甚禍無故之利趙受韓十七邑平陽君諫

魏世家 欲啜汁者眾客告太子申以喻欲立功者之多

瘞因上屋騎危魏使吏捕范瘞瘞升屋以避兵危騎屋上也

田世家 豨膏棘軸所以為滑也然而不能運

方穿棘木為軸施膏至滑然不能轉運方孔

狐裘雖弊不可補以黃狗之皮與上並淳于髡之言

且救趙之務宜若奉漏甕沃焦釜也齊謀臣周子謀救趙

陳涉世家 輟耕之壟上悵恨久之

叢祠中夜篝火狐鳴林廟之間舉火狐鳴蓋假鬼神以驚眾

人奴產子猶今言家產奴

入宮見殿屋帷帳客曰夥頤涉之為王沈沈

者楚人謂多為夥頤語助涉故人與傭耕者入宮驚而偉之沈沈宮室深邃之貌

外戚世家 繼體守文之君繼世守度之主

景帝恚心嗾之而未發也嗾音銜恨栗姬而未發露

陳皇后挾婦人媚道其事頗覺陳皇后坐呪咀廢



荆燕世家

推轂

助人前進若推車轂

獨此尚缺望

缺音決有所不足而怨望

以他法劾捕格殺郢人以滅口

燕王定國以他事殺郢人

悼惠王世家

其母外婦也

高祖庶長男肥

請得以軍法行酒

朱虛侯章

高后兒子畜之

吕后視章如兒子

齊王母家駟鈞惡戾虎而冠者也

言駟鈞惡戾如虎

失火之家豈暇先言大人而後救火乎

魏勃語

人謂魏勃勇妄庸人耳何能為乎

灌嬰語

蕭相世家

王暴衣露蓋

賤貫貸以自汗

貫賒也

因民之疾奉法順流與之更始

曹相世家

擇郡國吏木訕於文辭重厚長者

卽召除為丞相史吏之言文刻深欲務聲名

者輒斥去之

留侯世家

賈豎易動以利

張良言秦將屠者子也



楚梟將

梟將驍勇之將謂黥布

偃革為軒

革兵車軒乘車謂詔廢兵車而用乘車

無異使羊將狼莫肯為用

陳丞相世家

亦食糠覈耳

覈麥糠屑也

平貧侍喪以先往後罷為助

家乃負郭窮巷

張負之家

事兄伯如事父事嫂如母

張負以孫嫁平而誠之

然大王能饒人以爵邑士之頑鈍嗜利無恥

者亦多歸漢

我多陰謀是道家之所禁

周勃世家

勃以織薄曲為生常為人吹簫給

正喪事材官引彊

勃貧以織葦薄為生業又吹簫給喪後乃能以引彊弓為材官

勃為人木彊敦厚高帝以為可屬大事

軍中聞將軍令不聞天子之詔

亞夫軍細柳

楚兵剽輕

剽悍輕脫

廷尉責曰君侯欲反邪亞夫曰臣所買器乃



葬器也何謂反邪吏曰君侯縱不反地上卽

欲反地下耳

條侯子買工官甲楯爲人告變下廷尉對簿

梁孝王世家

李太后與爭門措指

措音進李太后與梁平王

任王后爭門指爲門扉所笮

五宗世家

好儒學被服造次必於儒者

彭祖爲人巧佞卑諂足恭而心刻深好法律

持詭辯以中人

趙王彭祖景帝之子

汙以姦利事

以姦利事汙其相

使使卽縣爲賈人權會

爲賈僧以專取利

景帝召程姬程姬有所辟不願進

有月事則避不敢進御

太子勃私姦飲酒博戲擊筑與女子載馳環

城過市入牢視囚

勃居憲王喪如此

三王世家

奉義遵職愚懂而不逮事

懂無知貌

陛下奉承天統明開聖緒尊賢顯功興滅繼

絕

伯夷列傳

盜跖日殺不辜肝人之肉暴戾恣



睢恣睢自恣  
兇惡之貌

操行不軌專犯忌諱不由法度  
而犯正義

管晏列傳 下令如流水之源令順民心故論

卑而易行管子

老子列傳 且君子得其時則駕不得其時則

蓬累而行得時則乘軒不遭  
時則負戴而去

莊子列傳 然善屬書離詞指事類情剝剝儒

墨剝剝攻  
擊之謂

其言汎洋自恣以適己汎洋猶汪洋  
適己自適也

韓非列傳 寬則寵名譽之人急則用介冑之

士

老莊申韓列傳贊 太史公曰老子所貴道虛

無因應變化於無為故著書詞稱微妙難識

莊子散道德放論要亦歸之自然申子卑卑

施之於名實韓子引繩墨切事情明是非其

極慘礪少恩皆原於道德之意而老子深遠



矣

孫子列傳 夫解雜紛糾者不控捲救鬪者不

搏搥批亢擣虛形格勢禁則自為解耳捲同拳 控拳搏

戰反不能解之救之惟批其相抗擣其所虛使其形格勢禁則自解耳

伍子胥列傳 員為人剛戾忍詢能成大事猶詢

詬

吾日暮塗窮吾故倒行而逆施之言心急不暇 顧事理也

弟子列傳 千鈞之重加銖兩而移子貢

痛入於骨髓日夜焦脣乾舌徒欲與吳王接

踵而死越王 勾踐

國為墟莽國破則為墟 而生榛莽

子貢好廢舉與時轉貨貨喜揚人之美不能

匿人之過廢舉賣貴買賤 逐時轉易貨殖

商君列傳 利不百不變法功不十不易器杜 擊

言此以 難商君

反聽之謂聰內視之謂明自勝之謂疆



武王諤諤以昌殷紂墨墨以亡

武王之臣諤諤殷紂之臣默默

貌言華也至言實也苦言藥也甘言疾也

與上

並趙良之言

蘇秦列傳

夫士業已屈首受書

低頭誦書

韓卒超足而射百發不暇止遠者括蔽洞胷

近者鏑弇心

鄧師宛馮龍淵太阿皆陸斷牛馬水截鵠雁

鄧工鑄劍名鄧師宛人於馮池鑄劍號宛馮

寧為雞口無為牛後

周書曰絲絲不絕蔓蔓柰何毫釐不伐將用

斧柯

言宜決之於早也

進如鋒矢戰如雷霆解如風雨

連袵成帷舉袂成幕揮汗成雨

恫疑虛喝驕矜而不敢進

恫恐懼也秦疑韓魏之議其後虛作恐喝驕矜

而究不敢進攻齊

齊紫敗素也而賈十倍

齊以敗素染紫曰齊紫其價十倍蘇代喻轉敗為功



也

此必令言如循環用兵如刺蜚

蘇代言秦之詐力

張儀列傳

積羽沉舟羣輕折軸衆口鑠金積

毀銷骨

悉之不過三十萬而廝徒負養在其中矣

徒廝

負養皆雜役之賤者

秦帶甲百餘萬車千乘騎萬匹虎賁之士跣

跣科頭貫頤奮戟者至不可勝計

跣跣偏舉一足而跳躍也

科頭不著兜鍪貫頤兩手捧頤而直入敵皆言勇也

探前跌後蹄間三尋

秦馬之良前後蹄間三尋言馳疾也

愁居懾處不敢動搖

獨擅綰事

綰猶管

擣里子列傳

擣里子滑稽多智秦人號曰智

囊

甘茂列傳

禽困覆車

譬禽獸困急猶能傾覆人車

穰侯列傳

以天下攻齊如以千鈞之弩決潰



癡也

白起列傳

犯秦斥兵

斥堠之兵

孟子列傳

則見以為迂遠而濶於事情

中國外如赤縣神州者九

騶衍之言

持方枘欲內圓鑿其能入乎

以方筍而納圓孔不可入也

淳于髡列傳

承意觀色為務

荀卿列傳

騶衍之術迂大而閔辯爽也文具

難施淳于髡久與處時有得善言故齊人頌

曰談天衍雕龍爽炙轂過髡

爽騶爽雕龍言其文過猶輶車之盛膏者

炙之雖盡猶有餘流言髡多智不盡也

孟嘗君列傳 乃渺小丈夫耳

躡屩而見之

屩草履

馮先生甚貧猶有劍耳又蒯緱

蒯草名緱把劍之物謂以草繩纏之

也

馮軾結鞞

秦為雄而齊為雌

孟嘗君相秦則秦雄矣



平原君列傳 士方見其危苦之時易德耳苦危

之時易以見德

信陵君列傳 平原君負轡矢為公子先引盛轡

矢之器

毛公藏於博徒薛公藏於賣漿家

平原君之游徒豪舉耳豪舉豪富之舉

春申君列傳 兩虎相與鬪而駑犬受其弊喻秦

楚相鬪則他國將承其憊

范雎列傳 周有砥碗宋有結綠梁有縣藜楚

有和朴此四寶者土之所生良工之所失也

而為天下名器砥碗四者皆璞玉

譬若馳韓盧而搏蹇兔也以秦之強伐諸侯勢甚易

詩曰本實繁者披其技披其技者傷其心大

其都者危其國尊其臣者卑其主范雎說逐穰侯

范雎曰主人翁習知之范雎詐稱為人庸貨習知猶素相識也

一飯之德必償睚眦之怨必報



人固未易知知人亦未易也侯羸之言

吾聞聖人不相唐舉相蔡澤

持梁齧肥

夫四時之序成功者去蔡澤之言

批患折難廣地殖穀

廉藺列傳 秦軍鼓譟勒兵武安屋瓦盡振趙奢

救韓

夫天下以市道交客對廉頗言

魯仲連列傳 好奇偉倣儻之畫策六朝史

權使其士虜使其民言秦以權詐使其戰士奴虜使其人民

矯國更俗

鄒陽列傳 剖心析肝相信

公聽並觀

刺客列傳 居處兵衛甚設設陳列也

濡忍之志濡潤也性潤之人則能含忍與上並聶政傳

吾曩者目攝之攝猶整怒視以攝整之也



乃矐其目

秦王燠漸離之目使失明與上並荆柯傳

李斯列傳 處卑賤之位而計不為者此禽鹿

視肉人面而能彊行者耳

不為不為游說也

由竈上騷除

言秦欲并諸侯猶炊者竈上掃除不足為難

物禁太盛

出荀子

物極則衰吾未知所稅駕也

斯自知富貴已極不知其後所止

秋霜降者草花落水搖動者萬物作

趙高語

夫人生居世間也譬猶騁六驥過決隙也

二世

十公主砒死於社

砒音宅與磔同

殺人衆者為忠臣

蒙恬列傳 漸山堙谷

恬築長城

張耳陳餘列傳 頭會箕歛以供軍費

家就人頭數出穀箕

歛

臣之邑子素知之此固趙國立名義不侵為

然諾者也

泄公言貫高乃其邑中人素知其為人不負然諾



黥布列傳 共俳笑之 猶姍笑也

率其曹偶 曹偶儕輩也

淮南王至上方踞牀洗召布入見布甚大怒

悔來欲自殺出就舍帳御飲食從官如漢王

居布又大喜過望

為天下安用腐儒 腐敗無用之儒

項氏之所坑殺人以千萬數而布常為首虐

淮陰侯列傳 項王喑啞叱咤千人皆廢 怒氣作聲

侵人之分 侵人分內所有

且漢王不可必身居項王掌握中數矣項王

憐而活之然得脫輒倍約 武涉說韓信

天下之士雲合霧集魚鱗雜還燦至風起

秦之綱絕而維弛 蒯通語

田儋列傳贊 蒯通者善為長短說 言欲令此事長則長說之

短則短說之

樊噲列傳 市人病不能為人 市人噲之子不能行人道也



酈商列傳

天下稱酈况賣交

酈商子寄字况與呂祿善後給祿而周勃

遂入北軍

周昌列傳

昌為人疆力敢直言

御史大夫周昌其人有堅忍質直

趙堯薦昌可相趙王如意

吾極知其左遷

地道尊右右貴左賤故謂貶秩為左遷

任敖列傳

遇之不謹

吏繫呂后待之無禮也

緒正律歷

緒尋也

若百工天下作程品

若順也百工為器皆有尺寸斤兩程度以為品式

申屠嘉列傳

以材官蹶張

能脚踏強弩張之

此吾弄臣

鄧通文帝弄臣

媢媢廉謹為丞相備員而已無所能發明功

名有著於當世者

謂景帝時陶青等武帝時許昌等

贊

周昌木疆人也任敖以舊德用申屠嘉可

謂剛毅守節矣然無術學殆與蕭曹陳平

異矣

木疆屈疆如木舊德舊有恩德

酈生列傳

酈生問其將皆握齷好苛禮自用



不能聽大度之言

握齟急促之貌苛煩也

農夫釋耒工女下機

言不得耕織也

此蚩尤之兵也非人之力也天之福也

酈食其說齊王

陸賈列傳

常燕居深念

平時思念也

天下安注意相天下危注意將

平原君為人辯有口刻廉剛直

平原君朱建也

獄急不敢見君

朱建言獄嚴切不敢見辟陽侯

酈生踵軍門上謁

以目皮相

謂但觀其外

周繆列傳

軍乍利乍不利終無離上心

劉敬列傳

婁敬脫輓輅衣其羊裘

敬本姓婁鹿車前者輓後

者推之

臣衣帛衣帛見衣褐衣褐見

夫與人鬪不搯其肮拊其背未能全其勝也

搯猶扼也肮喉也

叔孫通列傳

此特羣盜鼠竊狗盜耳何足置



之齒牙間

今不能進臣等專言大猾何也

通諸弟子咎  
通進用羣盜

禮者因時世人情為之節文者也

為縣蕞野外習之

引繩束茅  
以習朝儀

復置法酒

法酒殿上  
燕飲之酒

呂后與陛下攻苦食啖其可背哉

啖亦音啖  
作淡

諸果獻猶此興

仲春薦含  
桃之類

季布列傳使酒難近

河東吾股肱郡

袁盎列傳

徵繫請室

請室  
獄也

然袁盎亦以數直諫不得久居中

與閭里浮沉相隨行鬪雞走狗

鼂錯列傳

錯為人階直刻深

階峻  
岸也

寵幸傾九卿

收其枝郡

錯削諸侯地  
枝郡旁郡也

張釋之列傳

且秦以任刀筆之吏吏爭以亟



疾苛察相高然其敝徒文具耳文具空具其文而無其實

使跪結韉欲以重之王生以此榮釋之

馮唐列傳 委任而責成功

夫士卒盡家人子起田中從軍安知尺籍伍

符終日力戰斬首捕虜上功莫府一言不相

應文吏以法繩之其賞不行而吏奉法必用

家人子庶人家子也尺籍斬首功籍伍符伍相保之約也

萬石君列傳 皆以馴行孝謹官皆至二千石

石奮四子皆官二千石

事不關決於丞相丞相醇謹而已奮子石慶為丞相時桑弘

羊王温舒兒寬等更進用事

衛綰列傳 不譙呵綰譙呵責讓也

上以為廉忠實無他腸

田叔列傳 切直廉平

其後使刺舉三河刺察州郡河南河東河內謂之三河

扁鵲列傳 飲是以上池之水上池謂水未至地蓋承取露及竹木上水



以和藥  
飲之

先生得無誕之乎

誕欺  
誑也

醫有俞跗治病不以湯液醴灑鑱石橋引案

抗毒熨一撥見病之應因五臟之輸乃割皮

解肌訣脈結筋搦髓腦撲荒爪幕湔浣胃腸

漱滌五藏練精易形先生之方能若是則太

子可生也

俞跗黃帝時人鑱石石針也橋引按摩導引  
杭猶玩毒熨毒病之處以藥熨貼也荒膏荒

幕闌幕也撲爪  
皆手治之稱

目眩然而不瞋舌橋然而不下

瞋瞬也  
橋強也

太倉公列傳 齊中大夫病齟齬

齟齬蟲齧  
朽缺也

吳王濞列傳 里語有之舐糠及米

應高說膠西  
王喻地削則

國滅

深入多殺為功

毋為權首反受其咎

武安侯列傳 生平毀程不識不直一錢今日

長者為壽乃效女兒咕囁耳語

灌夫罵臨汝侯咕  
囁附耳小語聲



侯自我得之自我捐之無所恨

魏其欲救灌夫

武安曰天下幸而安樂無事蚡得為肺腑所

好音樂狗馬田宅蚡所愛倡優巧匠之屬不

如魏其灌夫日夜招聚天下豪傑壯士與議

論腹誹而心謗不仰視天而俯畫地辟倪兩

宮間幸天下有變而欲有大功臣乃不知魏

其等所為

辟倪睥睨也

今日廷論局趣效轅下駒

局促如俯首隨母之駒上怒朝臣之言

與長孺共一老秃翁何為首鼠兩端

武安怒韓長孺言與

共治魏其何故持兩端

魏其必內愧杜門齟舌自殺

齟齬也

韓安國列傳 貪嗜於財然所推舉皆廉士賢

於己者也

奉引墮車蹇

為天子導引墮車跛足

李廣列傳 廣以良家子從軍擊胡

非醫巫商賈百工謂之良

家子



是必射雕者也

廣行無部伍行陣就善水草屯舍止人人自

便不擊刁斗以自衛莫府省約文書籍事然

亦遠斥堠未嘗遇害刁斗銅器晝炊  
食夜持擊之

廣乃令士持滿毋發而廣身自以大黃射其

裨將大黃強弩名

禍莫大於殺已降王朔語

匈奴列傳 毋文書以語言為約束兒能騎羊

引弓射鳥鼠少長射狐兔用為食

各居其邊為甌脫境上斥堠之土室也

舉事而候星月月盛壯則攻戰月虧則退兵

薄物細故言小事也

奸闌出物與匈奴交干犯禁出邊塞之物

衛將軍驃騎列傳 人奴之生得毋笞罵即足

矣鉗徒相衛青當侯青時牧羊故自曰奴

誅全甲謂不遺一人也



諸宿將常坐留落不遇

遲留零落不遇合也

漢匈奴相紛拏殺傷大當

紛拏相牽也殺傷大略相當

約輕齎絕大幕

霍去病

驃騎將軍為人少言不泄有氣敢任

大將軍為人仁善退讓以和柔自媚於上

平津侯列傳 習文法吏事而又緣飾以儒術

弘為人意忌外寬而內深

公孫弘外寬內深故意多忌害

主父偃列傳 蜚芻輓粟

轉芻粟以就戰

臣聞天下之患在於土崩不在於瓦解

徐樂上書土崩

指秦二世瓦解指吳楚七國

且丈夫生不五鼎食死即五鼎烹耳

主父偃之言

西南夷傳 取其箝馬燹僮髦牛

箝燹皆地名

司馬相如列傳 相如之臨邛從車騎雍容間

雅甚都

淮南衡山列傳 父世縣也

世代所居之縣

亦欲以陰德拊循百姓流譽天下

淮南王安



政苛刑峻天下熬然若焦

伍被言秦之無道

兄弟相責望禮節間不相能

衡山淮南二王

故劾慶死罪彊榜服之

衡山王劾衛慶死罪榜掠使自誣服

汲黯列傳以嚴見憚

弘大體不拘文法

黯伉厲守高不為屈

黯與張湯論議不為之屈

刀筆吏專深文巧詆

深用文法巧議人罪

如發蒙振落耳

發蒙振落言易也

儒林列傳

兒寬貧無資用嘗為弟子都養及

時時行傭賃以給衣食行常帶經止息則

誦習之

都養為諸生造食也

以古法議決疑大獄

寬在九卿位以和良承意從容得久然無有

所匡諫於官官屬易之不為盡力

酷吏列傳

當是之時吏治若救火揚沸非武

建嚴酷惡能勝其任而愉快乎言道德者溺



其職矣姦偽萌起之時宜濟以猛

破觚而為圜斲雕而為樸觚稜也

問遺無所受請寄無所聽郅都為濟南太守

為人小吏必陵其長吏為人上操下如東濕

薪滑賊任威東濕薪言其急也甯成為濟南都尉

訊鞠論報窮問其獄論罪報行也張湯劾鼠

以鷹擊毛摯為治義縱多所誅殺如擊鳥之擊

其爪牙吏虎而冠王温舒所任用吏

大宛傳 行國也大月氏隨畜移徙

畫革旁行以為書記安息諸外夷書皆橫行不直下也

張騫鑿空開通西域之道

進熟於天子進熟美語如成熟者也

奮行者官過其望以適過行者皆絀其勞貳師

伐大宛歸論功奮迅樂行者重錄之以適行者抑止之

游俠傳 解為人短少精悍郭解

以軀借交報讐藏命作姦剽攻不休命亡命也



倭幸傳 孝惠時郎侍中皆冠鷄鷄貝帶傳脂

粉化閔籍之屬也

以鳥毛羽飾冠以貝飾帶籍孺高祖時閔孺孝惠時

以濯船為黃頭郎

鄧通

滑稽傳

齊威王之時喜隱

好隱語

甌窶滿篝汗邪滿車五穀蕃熟穰穰滿家

甌窶

謂高地狹小之區汗邪下地田也

避世金馬門

東方朔金馬門者官署門也門傍有金馬

日者傳 卑疵而前熾趨而言相引以勢相導

以利比周賓正以求尊譽

卑疵熾趨皆足恭之貌

猶天冠地屨也

言相去之遠

留長孺以相彘立名

龜策傳 下有伏靈上有兔絲上有擣著下有

神龜

擣古稠字擣著即藜著

貨殖傳

飯稻羹魚或火耕而水耨果階贏蛤

不待賈而足

階地理志作窾

設智巧仰機利



無財作力少有鬪智既饒爭時

下有蹲鴟至死不饑

蹲鴟芋也

俯有拾仰有取

夫織嗇筋力治生之正道也

織嗇筋力謂織小吝嗇勞其筋力也

能者輻湊不肖者瓦解

輻湊聚也瓦解散也

二十一史精義卷二

漳浦王南珍輯

漢書

昭帝紀

民匱於食流庸未盡還

流庸謂棄其鄉而為人傭作

宣帝紀

樞機周密品式備具

課殿最以聞

居後曰殿居先曰最

用法或持巧心析律貳端深淺不平

析律貳端以高下其

手



信賞必罰綜核名實政事文學法理之士咸  
精其能

元帝紀 詔罷黃門乘輿狗馬水衡禁園宜春

下苑少府飲飛外池嚴籞池田假與貧民

近署故親幸之物屬焉水衡掌苑園者飲飛具繪繳  
以射鳧雁給祭祀故有池嚴籞亦射苑皆少府所屬

加以煩擾虐酷吏拘牽虐微文

成帝紀 先帝劬農

劬勸勉也

關東流冗者衆

冗散也

哀帝紀

孝元廟殿門銅龜蛇鋪首鳴

門之鋪首所以啣環

者

時覽卞射武戲

手搏為卞角力為武

諸侯王表 姍咲三代盪滅古法

姍古訕字

功臣表 朽骨孤於墓苗裔流於道生為愍隸

死為轉屍以往况今甚可悲傷

愍隸言為徒隸可哀愍也轉屍

謂不能葬而  
流轉溝壑

百官表 金璽蓋綬

蓋草似艾可染綠諸侯王之印綬



百吏員自佐史至丞相十三萬二百八十五人

律歷志

律娶妻而呂生子天地之情也

黃鐘生林鐘律

娶妻也林鐘生太簇呂生子也

刑法志

而徒鉤撫微細毛舉數事以塞詔而

已

毛舉舉毫毛之小事

當三族者皆先黥劓斬左右趾笞殺之梟其首菹其骨肉於市其誹謗詈詛者又先斷舌故謂之具五刑彭越韓信之屬皆受此誅至

高后元年乃除三族罪妖言令

食貨志

夫鹽食肴之將酒百藥之長

王莽詔詞

息夫躬傳

諸曹以下僕數

僕數凡短之貌躬上疏歷

詆公卿大臣

枚乘傳

詔問乘子無能為文者後廼得其孽

子臯臯字少孺乘在梁時取臯母為小妻

與冗從爭

冗從散職之從王者也

又自詆媿其文翫散曲隨其事皆得其意頗



詼笑不甚閑靡

詼古委字詼音被屈曲也

董仲舒傳 予之齒者去其角傳其翼者兩其

足

張安世傳 職典樞機以謹慎周密自著外內

無間每定大政已決輒移病出聞有詔令乃

驚使吏之丞相府問焉

嚴助傳 且越人綿力薄材不能陸戰

家貧為友壻富人所辱

友壻同門之壻

吾邱壽王傳

知畧輻湊

言多智也

至於赭衣塞路羣盜滿山

赭衣罪人之衣

終軍傳

軍無橫草之功得列宿衛

橫草謂衣行草中使草偃

東方朔傳

此所謂天下陸海之地

程其器能用之如不及

田千秋傳

千秋年老上優之朝見得乘小車

入宮殿中故因號曰車丞相

揚惲傳

郎官故事令郎出錢市財用給文書



廼得出名曰山郎

出休沐也財用出於山故有是名

郎謁者有罪過輒奏免薦舉其高第有行能

者至郡守九卿

憚伐其行治又性刻害好發人陰伏

古與今如一邱之貉

戴長樂告憚誹謗如秦之無道也

揚王孫傳

吾欲羸葬以反吾真

遺令不為衣衾棺槨

胡建傳

貧無車馬常步與走卒起居所以尉

薦走卒甚得其心

建守軍正丞尉薦慰安舉薦之也

朱雲傳

少時通輕俠借客報讐

借助也

充宗乘貴辯口諸儒莫敢與抗

五鹿充宗

丞相部吏考立其殺人罪

立成也

梅福傳

爵祿束帛者天下之底石高祖所以

厲世摩鈍也

底礪石也

霍光傳

黨親連體根據於朝廷

光子孫諸壻皆近侍

趙充國傳

是後羗人旁緣前言抵冒渡湟水

旁依也抵冒犯突而前



百聞不如一見兵難陶度臣願馳至金城圖

對上方畧

陶讀作遙

充國常以遠斥堠為務行必為戰備止必堅

營壁

將軍士寒手足皸瘃

皸瘃裂也瘃寒瘡也

部曲相保為塹壘木樵校聯不絕

樵與譙同為高樓以望敵

者校謂以木相貫為固言營壘相次也

未充國奏每上輒下公卿議臣初是充國計者

王仲三中什五最後什八

甘延壽傳 少以良家子善騎射為羽林投石

拔距絕於等倫嘗超踰羽林亭樓由是遷為

郎試弁為期門以材力愛幸

投石以石投人拔距以手相掣手搏曰弁

陳湯傳 少好書博達善屬文家貧匄資無節

不為州里所稱

匄資匄假也

止營敷陳

敷布也

湯知烏孫瓦合不能久攻

瓦合謂碎瓦之雜居不齊也



許為求北土奏

比例也湯受人金許為上奏求封

今國家素無文帝累年節儉富饒之畜又無

武帝薦延梟俊禽敵之臣

薦延延納薦士也

疏廣傳

父子並為師傳

廣為太傅兄子受為少傅

于定國傳

定國食酒至數石不亂

食猶飲也

薛廣德傳

廣德為人溫雅有醞藉

醞如醞釀藉薦也猶言安

廿帖

王吉傳中馮式搏銜馳騁不止

搏促也挫也

吸新吐故以練臧專意積精以適神

臧五臧也

漢家列侯尚公主諸侯則國人承翁主

翁主其父自主

婚也

為傳婢所毒

傳猶附謂近幸也吉孫崇為婢所毒

自吉至崇世名清廉然材器名稱稍不能及

父而祿位彌隆皆好車馬衣服其自奉養極

為鮮明而亡金銀錦繡之物及遷徙去處所

載不過囊衣不畜積餘財去位家居亦布衣



疏食天下服其廉而怪其奢故俗傳王陽能

作黃金謂其無所營而贍於用

貢禹傳衆庶葬埋皆虛地上以實地下

農夫父子暴露中野不避寒暑捽也把土

足胼胝已奉穀租又出豪稅鄉部私求不可

勝供捽拔取也把手培之也鄉部之吏又有私求

易於決流抑隊決欲流之水抑將隊之物言其便易

龔勝傳守右扶風數月上知勝非撥煩吏乃

復還勝光祿大夫

劾奏勝吏二千石常位大夫皆幸得給事中

與論議不崇禮義而居公門下相非恨疾言

辯訟婚謾亡狀皆不敬夏侯常與勝爭言御史中丞劾之也

鮑宣傳朝臣亡有大儒骨鯁者艾魁壘之士

魁壘壯貌

部落鼓鳴男女遮迺聞桴鼓之聲則聞闔遮列而捕盜賊

貧民菜食不厭衣又穿空空孔也



奈何獨私養外親與幸臣董賢多賞賜以大

萬數使奴從賓客漿酒霍肉蒼頭廬兒皆用

致富非天意也視酒如漿水視肉如荳菜也

願賜數刻之間極竭翬翬之思退入三泉死

無所恨翬音沐猶蒙蒙也以上皆諫書之言

使吏鈞止丞相掾史没入其車馬鈞留也宣為司隸出逢丞

相官屬行馳道中宣推辱之也

魏相傳 練羣臣核名實

丙吉傳 三公不按吏自古始

吉馭吏嗜酒數逋蕩蕩放也謂亡其職而游放也

西曹地忍之此不過汗丞相車茵耳地猶第但也西曹主

吏白欲斥歐丞相車吏吉止之也

數奏甘毳食物奏進也毳與脆同吉護皇孫有恩

夏侯勝傳 學經不明不如歸耕勝謂諸生

建所謂章句小儒破碎大道建勝從父子勝常非之

翼奉傳 雖有大令猶不能復大令謂興發之屬復補也



李尋傳

政治感陰陽猶鐵炭之低昂見效可

信者也

懸鐵炭以候陰陽二至

近臣已不足杖矣屋大柱小可為寒心

杖倚任也

火入室金上堂

謂焚惑入營室太白入房星

趙廣漢傳

少為郡吏州從事以廉潔通敏下

士為名

又教吏為鈔笏

鈔若今盛錢瓶為小孔可入而不可出或鈔或笏投書其中以相告訐

吏見者皆輸寫心腹無所隱匿咸願為用僵

仆無所避

尤善為鈎距以得事情

鈎距鈎致却距以探事情之術

所居好用世吏子孫新進年少者專屬彊壯

蠶氣見事風生無所回避率多果敢之計莫

為持難

蠶同蜂銳也

尹翁歸傳

縣縣收取黠吏豪民案致其罪高

至於死

教使用類推迹盜賊所過抵

抵至也盜賊所過所至處也



緩於小弱急於豪強

溫良謙退不以行能驕人甚得名譽於朝廷

謙猶

張敞傳夫心之精微口不能言也言之微眇

書不能文也

吏追捕有功效者願得壹切比三輔尤異

壹切

權時也三輔吏有秩百石是為尤異敞拜膠東相

偷盜酋長數人居皆溫厚出從童騎閭里以

為長者敞皆召見責問因貫其罪把其宿負

令致諸偷以自贖

溫厚富足也把執持之也

方略耳目發伏禁姦不如廣漢

長安中傳張京兆眉懽

懽音媮敞為婦畫眉

受記考事

記若今州縣之符教

為之囊橐

言容止盜賊如囊橐之盛物

馭點馬者利其銜策梁國大都吏民凋敝且

當以柱後惠文彈治之耳

敞弟武拜梁相時之言柱後惠文法官之冠



王尊傳 直符史

當直之佐史也

毋持布鼓過雷門

雷門會稽城門有大鼓聲聞洛陽

飾成小過以塗污宰相

砥節首公

首向也

王章傳 人當知足獨不念牛衣中涕泣邪

章貧

病時事及為京兆尹欲上封事故其妻戒之

蓋寬饒傳 次公醒而狂何必酒也

寬饒字次公

此如傳舍所閱多矣

平恩侯許伯入第寬饒與眾賀之而云此

寬饒自以行清能高有益於國而為凡庸所

越愈失意不快

用不訾之軀臨不測之險

訾贊同寬饒好極諫王生子書為戒

鄭崇傳 侍中光祿大夫商皇太后父同產

子小自保大

哀帝封傳商為汝昌侯太后從小保養使至大也

孫寶傳 今日鷹隼始擊當順天氣取姦惡以

成嚴霜之誅掾部渠有其人乎

渠讀曰距言掾所部內豈有其

人乎寶以立秋日署侯文為掾



杜門不通水火

大俠杜穉季畏寶雖隣舍不相往來

何並傳 以氣力漁食閭里

謂陽翟俠趙李等

蕭望之傳 仲翁出入從蒼頭廬兒下車趨門

傳呼甚寵顧謂望之曰不肯錄錄反抱關為

王仲翁初與望之俱見霍光時見光者皆露索望之獨不肯於是仲翁等皆補大將軍史而望之不除用

得復尚少主

宗室女謂之少主烏孫願得復結婚內附

馮奉世傳 器不犀利

犀堅也

今乃有畔敵之名

不敢當敵攻戰為畔敵

居爪牙宮前後十年為折衝宿將功名次趙

充國

春秋之義亡遂事漢家之法有矯制

馮野王傳 並不首吏

並池陽令名不首吏不伏從收捕

夫三最子告令也病滿三月賜告詔恩也

在官

連有三最則得子告

馮參傳 參為人矜嚴好修容儀進退恂恂甚

可觀也



淮陽憲王傳

子高廼幸左顧存恤

子高張博字左顧猶言枉

顧

匡衡傳

夫富貴在身而列士不譽是有狐白

裘而反衣之也

長安令揚興說樂陵侯史高引用匡衡

但以無階朝廷故隨牒在遠方

階升次也隨牒謂隨選補之恒

牒

周南召南被賢聖之化深故篤於行而廉於

色

張禹傳 頗曉其別著布卦意

禹兒時喜入市觀卜因曉其意

宜為人恭儉有法度而崇愷弟多智

彭宣戴崇皆禹弟子

擇日絜齋露著

露著於星宿下且乃筮之以得天氣也

孔光傳

凡典樞機十餘年守法度修故事上

有所問據經法以心所安而對不希指苟合

如或不從不敢強諫爭以是久而安

王商傳

身體鴻大容貌甚過絕人

大將軍鳳連昏揚彤為琅邪太守

連昏者婚家之婚親也



臣請詔謁者召商詣若盧詔獄

若盧獄名

史丹傳 丹為人最知愷弟愛人貌若儻蕩不

備然心甚謹密故尤得信於上

儻蕩疎誕無檢也

傳喜傳贊 曠貴最久

居非其位是為曠官謂王鳳輩

薛宣傳 斗食

祿少一歲不滿百石計日以斗為數

謹訶及細微責義不量力

督察小過求備於人薛宣疏刺史苛碎

所貶退稱進白黑分明

稱舉也

故使掾平鑄令

宣使掾名平者鑄責櫟陽令

及至日休吏

冬夏至之日不省官事故休吏

宣為人好威儀進止雍容甚可觀也性密靜

有思思省吏職求其使安下至財用筆研皆

為設方畧利用而省費吏民稱之郡中清靜

遷為少府共張職辨

宣自左馮翊遷少府

朱博傳 齊部舒緩養名

齊人之俗其性遲緩多自高大以養名聲

以是豪彊熱服

熱怖也

其治左馮翊文理聰明殊不及薛宣而多武



譎網絡張設少愛利敢誅殺然亦縱舍時有

大貸下吏以此為盡力

三尺律令人事出其中言可以人情知之

又其府中列栢樹常有野鳥數千棲宿其上

晨去暮來號曰朝夕鳥御史府

翟方進傳方進年十二三失父孤學給事太

守府為小史號遲頓不及事頓讀曰鈍

方進旬歲間免兩司隸旬徧也滿也旬歲猶言滿歲若十日之一周方進時

為司直

方進知能有餘兼通文法吏事以儒雅緣飾

法律號為通明相天子甚器重之

谷永傳欲末殺災異滿譫誣天末殺猶抹煞滿譫欺罔也

何武傳其所居亦無赫赫名去後常見思

王嘉傳坐戶殿門失闌免戶止也嘉為郎掌守殿門止不當入者而失闌

人之故坐免

大臣括髮關械裸躬親笞非所以重國哀宗



廟也括結也

師丹傳 臣縱不能明陳大義復曾不能牢讓

爵位牢堅也

儒林申公傳 為治者不在多言顧力行何如

耳

王式傳 臣以三百五篇諫

皆注意高仰之

客歌驪駒主人歌客毋庸歸逸詩篇名

陽醉過墜過音蕩墜古地字伴醉而倒也

轅固傳 食肉不食馬肝未為不知味也馬肝有毒食之

殺

此家人言耳家人僮隸之屬轅固以譏老子書

循吏文翁傳 招下縣子弟以為學官弟子為

除更繇下縣四郊之縣非郡所治也除其更繇不令從役也

黃霸傳 霸力行教化而後誅罰務在成就全

安



凡治道去其泰甚者耳霸之言

澆淳散樸不雜為淳以水澆之則味滴薄樸大質也割之則散

龔遂傳以官壽卒遂以壽終於官

召信臣傳信臣為民作均水約束均平用水之次第

酷吏田延年傳霍將軍召問延年欲為道地

延年坐主守盜霍光欲為之地

嚴延年傳吏皆股弁股戰若弁弁撫手也

延年為人短小精悍敏捷於事

河南號曰屠伯

天道神明人不可獨殺延年母言

尹賞傳得赤丸者斫武吏得黑者斫文吏長安

中少年探丸為彈受昧報仇

名為虎穴賞修治長安獄穿地方深各丈以大石覆其口名虎穴

乃部戶曹掾史與鄉吏亭長里正父老伍人

雜舉長安中輕薄少年惡子無市籍商販作

務而鮮衣凶服被鎧扞持刀兵者悉記籍之



惡子不承父母教命者凶服  
凶險之服鎧甲也扞臂衣也

賞所置皆其魁宿魁首也宿舊也賞皆放之

甘耆姦惡甚於凡吏賞貫魁宿者之罪令其追捕

疾病且死戒其諸子曰丈夫為吏正坐殘賊免追思其功效則復進用矣一坐軟弱不勝

任免終身廢棄無有赦時其羞辱甚於貪汙

坐臧慎毋然

游俠樓護傳 為人短少精辯論議常依名節

聽之者皆竦與谷永俱為五侯上客長安號

曰谷子雲筆扎樓君卿唇舌言其見信用也

陳遵傳 公府掾史率皆羸車小馬不上鮮明

而遵獨極輿馬衣服之好門外車騎交錯又

日出醉歸曹事數廢西曹以故事適之按舊法令罰之

也適同謫

候遵霑醉時突入見遵母

先是黃門郎楊雄作酒箴以諷諫成帝其文



為酒客難法度士譬之於物曰子猶瓶矣觀  
瓶之居居井之眉處高臨深動常近危酒醪  
不入口臧水滿懷不得左右牽於纏徽一旦  
車礙為寰所輻身提黃泉骨肉為泥自用如  
此不如鴟夷鴟夷滑稽腹如大壺盡日盛酒  
別人復借酤常為國器託於屬車出入兩宮經  
營公家絲是言之酒何過乎遵大喜之  
眉井邊地若人  
目上之有眉纏徽繫瓶者車懸也寰井以甄為甃也輻擊  
也提擲也鴟夷革囊以盛酒滑稽圓轉之狀天子屬車常

載酒食故  
有鴟夷

董賢傳 武庫禁兵上方珍寶其選物上第盡

在董氏而乘輿所服迺其副也

縣官斥賣董氏財凡四十三萬萬

匈奴傳 匈奴之俗本上氣力而下服役以馬

上戰鬥為國故有威名於百蠻

呼韓邪大臣  
議不可入朝

建塞徼起亭隧

隧謂深開小道而  
行以避鈔寇也

邊長老言匈奴失陰山之後過之未嘗不哭



也武帝開邊匈奴始失陰山

時竒譎之士石畫之臣甚衆揚雄上書宜受單于入朝石畫言堅固如

石指高祖時

大化神明鴻恩溥洽

外國天性忿鷙形容魁健負力怙氣

西域傳 地沙鹵少田寄田仰穀旁國車師少田寄於他國

種田

累石爲室民接手飲出小步馬烏花國自高山飲水谿澗中接

連其手如猿然少步馬細步之小馬也

匈奴常言漢極大然不能饑渴失一狼走千

羊渠犁屯田武帝罷輪臺自悔之詔

樂漢衣服制度歸其國治宮室作徼道周衛

出入傳呼撞鐘鼓如漢家儀外國胡人皆曰

驢非驢馬非馬若龜茲王所謂羸也龜茲王數來朝賀因

慕中國所爲

趙皇后傳 房與宮對食宮人自相與爲夫婦名對食房宮皆名



卽自繆死 自繆自縊也

孝元皇后傳 莽更漢家黑貂著黃貂又改漢

正朔伏臘日太后令其官屬黑貂至漢正臘

日獨與其左右相對飲酒食

王莽傳 虛譽隆洽傾其諸父矣

盱衡厲色振揚武怒 眉上曰衡盱衡舉眉揚目也

莽所謂鴟目虎吻豺狼之聲者也故能食人

亦當為人所食 待詔之言也莽為人侈口顰頭露眼赤精大聲而嘶長七尺五寸好厚履

高冠以鵲裝衣反曆高視瞰臨左右故黃門以莽形貌問待詔也

前後相乘憤眊不潔 憤眊不明也潔徹也莽更改制度前後相積不能明徹也

假貸犁牛種食濶其租賦 濶寬也

三輔盜賊麻起 言起者多如亂麻

轉掠求食日闕而已 闕盡也隨日而盡也

此天囚行尸命在漏刻 莽羣臣誑言賊不足慮也

郡縣力事上官應塞詰對

寧逢赤眉不逢太師太師尚可更始殺我師太



王匡更始將軍廉丹也行兵所過甚於盜賊故百姓云云

時省中黃金萬斤者為一匱尚有六十匱

贊 紫色蠅聲餘分閏位

叙傳 在於綺襦紈袴之間非其好也

畏其下車作威吏民竦息

今吾子已貫仁誼之羈絆繫名聲之韁鎖

伏周孔之軌躅馳顏閔之極摯既繫孿於世

教矣

### 二十一史精義卷三

漳浦王南珍輯

後漢書

光武紀 劉將軍平生見小敵怯今見大敵勇

甚可怪也

光武昆陽之戰

老吏或垂涕曰不圖今日復見漢官威儀

令反側子自安

光武得吏人與王郎通書皆燒之

封其渠帥為列侯降者猶不自安光武知其



意勅令各歸營勒兵乃自乘輕騎案行部陳  
降者更相語曰蕭王推赤心置人腹中安得  
不投死乎銅馬諸賊降者  
民有嫁妻賣子欲歸父母者恣聽之敢拘執  
論如律  
初王莽末旱蝗黃金一斤易粟一斛至是野  
穀旅生麻赤尤盛野蠶成繭被於山阜人收  
其利焉

聽羣盜自相糾擗擗發也

知天下疲耗思樂息肩王桂水到於臨夏王四十五日景

氣佳哉鬱鬱葱葱然望氣者言春陵

明帝紀 權門請託殘吏放手放手謂貪縱為非

冬無宿雪春不燥沐沐潤澤也

勞賜縣掾史及門闌走卒元氏縣賜復之詔

昔歲五穀登衍今茲蠶麥善收

郎官上應列宿



章帝紀 詔齊相省冰紈方空穀吹綸絮冰紈潔白之素

方孔穀方目紗也綸似絮言吹噓可成亦紗也齊有三服官故詔齊相罷之

漢承暴秦褒顯儒術建立五經為置博士其

後學者精進雖曰承師亦別名家令諸儒會白虎觀講議五

經異同之詔

安靜之吏悃幅無華日計不足月計有餘

和帝紀 須景風紹封以章厥功夏至四十五日景風至封功臣後嗣

初令伏閉盡日伏日萬鬼行故盡日閉不干他事

巧法折律飾文增辭貨行於言罪成乎手朕

甚病焉

殤帝紀 刺史垂頭塞耳阿私下比不畏于天

不媿于人

安帝紀 博衍幽隱衍引也

整齊脫誤是正文字詔博士校書東觀

設張法禁懇惻分明而有司愒任訖不奉行

秋節既立鷙鳥將用禁奢侈之詔



甄表門閭旌顯厥行

順帝紀 嚴勅障塞繕設屯備立秋之後簡習

戎馬

桓帝紀 今京師廝舍死者相枕廝舍賤役人之舍

可於官墻地葬之墻地官之餘地

獻帝紀 結童入學白首空歸長委農野永絕

榮望朕甚愍焉時試儒生上第者位郎中故詔以其次者為太子舍人

帝避正殿請兩遣使者洗囚徒原輕繫

是時宮室燒盡百官披荆棘依牆壁間州郡

各擁疆兵而委輸不至羣寮饑乏尚書郎以

下自出採糶或饑死牆壁間或為兵士所殺

皇后紀叙 恩隆好合遂忘淄蠹淄黑蠹虫以喻洧敗也

湮滅連踵傾軛繼路而赴蹈不息焦爛為期

郭皇后紀論 當其接牀第承恩色雖險情贅

行莫不德焉行之無當為贅

馬皇后紀 人未必當自生子但患愛養不至



耳

明帝命后子養章帝

每於侍執之際輒言及政事多所昆補而未

嘗以家私干故寵敬日隆始於終無衰

車如流水馬如游龍

后誠外家車馬之盛

竇皇后紀

家既廢壞數呼相工問息耗

耗惡也息耗猶

言善惡

鄧皇后紀

其蜀漢釵器九帶佩刀並不復調

釵以金銀緣器之名

禮儀志

乘輿御前殿黃門令奏曰佺子備請

逐疫於是中黃門倡佺子和日甲作食舂腓

胃食虎雄伯食魅騰簡食不祥攬諸食咎伯

竒食夢强梁祖門共食磔死寄生委隨食觀

錯斷食巨窮竒騰根共食蠱凡使十二神追

惡凶赫女軀拉女幹節解女肉抽女肺腸女

不急去後者為糧

此大儺之儀選中黃門子弟十歲以上十二以下者百二十人為佺

佺之言善善童子也



輿服志

文虎伏軾龍首銜軛

乘輿之飾

闔猪車親校獵乘之

劉玄傳長安為之語曰竈下養中郎將爛羊

胃騎都尉爛羊頭關內侯

更始授官皆羣小賈豎或有膳夫庖人

劉盆子傳至臘日崇等乃設樂大會盆子坐

正殿中黃門持兵在後公卿皆列坐殿上酒

未行其中一人出刀筆書謁欲賀其餘不知

書者起往請之各各屯聚更相背向大司農

揚音按劍罵曰諸卿皆老傭也今日設君臣

之禮反更殺亂兒戲尚不如此皆可格殺更

相辯鬪而兵眾遂各踰宮斬關入掠酒肉互

相殺傷

盆子將百萬眾降陛下何以待之帝曰待汝

以不死耳

赤眉遣劉崇乞降

卿所謂鐵中錚錚傭中佼佼者也

謂徐宣等

張步傳負負無可言者

負負媿甚也步攻耿弇大敗



彭寵傳 寵上謁自負其功意望甚高光武接

之不能滿以此懷不平

盧芳傳 與胡通兵侵苦北邊

隗囂傳 然後還師振旅橐弓卧鼓卧息也

因數騰書隴蜀告示禍福隴隗囂蜀公孫述也

公孫述傳 兼攝五縣政事修理姦盜不發郡

中謂有鬼神

蜀地沃野千里土壤膏腴果食所生無穀而

飽女工之業覆衣天下

北海王傳 中興初禁網尚闊而睦性謙恭好

士千里結交自名儒宿德莫不造門由是聲

價益廣永平中法憲頗峻睦乃謝絕賓客放

心音樂然性好讀書常為愛翫歲終遣中大

夫奉璧朝賀召而謂之曰朝廷設問寡人大

夫將何辭以對使者曰大王忠孝慈仁敬賢

樂士臣雖螻蟻敢不以實睦曰吁子危我哉



此乃孤幼時進趣之行也大夫其對以孤襲爵以來志意衰憊聲色是娛犬馬是好使者受命而行其能屈申若此

城陽王傳 安漢公擅國權羣臣莫不回從回曲

也

李通傳 為人嚴毅居家如官廷

王常傳 光武見常甚歡勞之曰王廷尉良苦

每念往時共更艱危何日忘之莫往莫來豈

違平生之言乎

鄧晨傳 晨興鴻郤陂數千頃田汝土以殷魚

稻之饒流行它郡鴻郤陂名

鄧禹傳 禹所止輒停車住節以勞來之垂髮

戴白滿其車下

禹內文明篤行淳備事母至孝天下既定常

欲遠名勢有子十三人各使守一藝修整閨

門教養子孫皆可以為後世法資用國邑不



修產利帝益重之

鄧訓傳

訓考量隱括知大功難立

訓度知通漕之役無成也

涼州吏人命縣絲髮

訓雖寬中容衆而於閨門甚嚴

鄧騭傳

臣等雖無遠見逮及之慮猶有庶幾

戒懼之情常母子兄弟內相勅厲冀以端慤

畏慎一心奉戴上全天恩下完性命刻骨定

分有死無二

騭表辭封戶

寵靈顯赫光震都鄙

寇恂傳

吾因士大夫以致此其可獨享之乎

恂好施子

寇榮傳

性矜潔自貴於人少所與

尚書背繩墨按空劾不復質確其過寘於嚴

棘之下便奏正臣罪

榮得罪亡命上書繩墨法律也質正確實也易寘于叢棘

馮異傳

光武對竈燎衣異復進麥飯兔肩

軍士皆言願屬大樹將軍

諸將論功異每獨屏樹下故軍中號曰大樹將



軍

六年春異朝京師引見帝謂公卿曰是我起  
兵時主簿也為吾披荆棘定關中既罷使中  
黃門賜以珍寶衣服錢帛詔曰倉卒蕪蕪亭  
豆粥虀沱河麥飯厚意久不報

岑彭傳

彭因言韓歆南陽大人可以為用人

謂大家  
豪右

人苦不知足既得隴復望蜀每一發兵頭鬚

為白

光武勅  
彭書

帝報彭曰大司馬習用步騎不曉水戰荆門  
之事一由征南公為重而已

大司馬  
吳漢也

賈復傳

賈君之容貌志氣如此而勤於學將

相之器也

復少學于李  
生李生奇之

賈君之功我自知之

復未嘗自  
伐其功

復為人剛毅方直多大節既還私第闔門養  
威重



吳漢傳 漢為人質厚少文造次不能以辭自

達 謂急遽之間不能詞辯

漢性彊力每從征伐帝未安恒側足而立諸將見戰陳不利或多惶懼失其常度漢意氣自若方整厲器械激揚士吏帝時遣人觀大司馬何為還言方修戰攻之具乃歎曰吳公差疆人意隱若一敵國矣每當出師朝受詔夕即引道初無辦嚴之日故能常任職以功

名終及在朝廷斤斤謹質形於體貌 斤斤慎重詳察也

臣愚無所知識唯願陛下慎無赦而已

蓋延傳 歷郡列掾州從事所在職辦

臧宮傳 光武察宮勤力少言甚親納之

宮陳兵大會擊牛釃酒饗賜慰納之

震揚威靈風行電照

宜少挺緩令得逃亡 挺解也

耿弇傳 弇傳步詣行在所而勒兵入據其城



樹十二郡旗鼓令步兵各以郡人詣旗下衆  
尚十餘萬輜重七千餘兩皆罷遣歸鄉里

降奔傳送行在  
而散遣其衆

奔凡所平郡四十六屠城三百未嘗挫折

耿秉傳 訪以邊事多簡帝心

蓋脫帽抱馬足降

車師  
王降

耿恭傳 吏士渴乏笮馬糞汁而飲之

耿氏自中興已後迄建安之末大將軍二人

將軍九人卿十三人尚公主三人列侯十九  
人護羌校尉及刺史二千石數十百人遂與

漢興衰云

王霸傳 光武令霸至市中募人將以擊郎市

人皆大笑舉手邪揄之霸慚慊而還

慊亦  
慙也

茂雨射營中中霸前酒樽安坐不動

祭遵傳 遵為人廉約小心克己奉公

遵為將軍取士皆用儒術對酒設樂必雅歌



投壺

景丹傳 丹還世祖謂曰吾聞突騎天下精兵

今乃見其戰樂可言耶

丹將漁陽上谷突騎破王郎

馬武傳 武常為軍鋒力戰無前諸將皆引而

隨之故遂破賊窮追

竇融傳 融聞為忠甚易得宜實難憂人大過

以德取怨

融與隗囂書

國家當其前臣融促其後緩急迭用首尾相

資囂勢排進不得進退此必破也

融上書請征囂排進蹙迫

也

融先遣從事問會見儀適

儀適猶儀注

臣融年五十三有子年十五質性頑鈍臣融

朝夕教導以經藝不得令觀天文見識記誠

欲令恭肅畏事恂恂循道不願其有才能何

况乃當傳以連城廣土享故諸侯王國哉

竇憲傳

憲陰喝不得對

憲所奪園田肅宗過園指以問憲陰喝不能對陰喝



猶噓

憲以侍中內幹機密出宣誥命

同幹管

仁厚委隨

委隨順從也  
謂太尉鄧彪

奴客緹騎依倚形勢侵陵小人

竇章傳

是時學者稱東觀為老氏臧室道家

蓬萊山

東觀經籍至多  
章為校書郎

馬援傳

夫居前不能令人輕居後不能令人

軒與人怨不能為人患臣所恥也

軒輕輕  
重也

及今成計殊尚善也過是欲少味矣

援勸囂  
歸附

又於帝前聚米為山谷指畫形勢開示眾軍

所從道徑往來分析曲折昭然可曉帝曰虜

在吾目中矣

於是隴右清靜援務開恩信寬以待下任吏

以職但總大體而已賓客故人日滿其門諸

曹時白外事援輒曰此丞掾之任何足相煩

頗哀老子使得遨遊若大姓侵小民黠羗欲



旅距此乃太守事耳

曉狄道長歸守寺舍良佈急者可牀下伏道狄

長言羞反  
援笑遣之

凡人為貴當使可賤

援戒梁  
松竇固

勃衣方領能矩步

勃朱勃方領學者之  
衣矩步回旋中矩也

劉寬傳 寬簡畧嗜酒不好盥浴京師以為諺

伏湛傳 初自伏生以後世傳經學清靜無競

故東州號為伏不鬪云

侯霸傳 霸矜嚴有威容

光武徵霸與車駕會壽春拜尚書令時無故

典朝廷又少舊臣霸明習故事收錄遺文條

奏前世善政法度有益於時者皆施行之每

春下寬大之詔奉四時之令皆霸所建也

宋弘傳 弘少而溫順

宋公威容德器羣臣莫及

湖陽公  
主之言

趙熹傳 熹年未二十既引見更始笑曰繭栗



豈能負重致遠乎

韋彪傳 雖進退舒遲時有不逮然端心向公

奉職周密

彪請重尚書之選  
宜簡嘗歷州宰者

欲借寵時賢以為名

中常侍曹節  
白用韋著

解巾之郡

巾幅巾也韋著  
起家為東海相

宣秉傳 光武特詔御史中丞與司隸校尉尚

書令會同並專席而坐故京師號曰三獨坐

張湛傳 矜嚴好禮動止有則

人或謂湛為詐湛聞而笑曰我誠詐也人皆

詐惡我獨詐善不亦可乎

其良報人無言白

後告歸平陵望寺門而步

湛平陵人望  
縣門而致敬

常乘白馬帝每見湛輒言白馬生且復諫矣

王丹傳 每歲農時輒載酒肴於田間候勤者

而勞之其惰嬾者耻不致丹皆兼功自厲

嬾

同

王良傳 後以病歸一歲復徵至滎陽疾篤不



王任進道乃過其友人友人不肯見曰不有忠

言竒謀而取大位何其往來屑屑不憚煩也

杜林傳博洽多聞時稱通儒

王果挑菜茹之饋集以成臧言禁網繁密也

吳良傳資質敦固公方廉恪躬儉安貧白首

一節東平王蒼薦良之疏

鄭均傳勅賜尚書祿以終其身時人號為白

衣尚書

馮衍傳懷金垂紫揭節奉使金印也紫綬也揭持也

不槩於懷槩屑也

年雖疲曳曳猶頓也

鄧暉傳暉甄異之以為首舉暉所旌舉首及孝子古初

郭伋傳伋知盧芳夙賊夙舊也

杜詩傳士卒鳧藻言士卒悅樂如鳧之戲於水藻也

本以史吏一介之才詩初為郡功曹

孔奮傳或以為身處脂膏不能以自潤徒益



其苦辛耳奮力行清潔  
衆人笑之

張堪傳前公孫述破時珍寶山積捲握之物

其足富十世而堪去職之日乘折轅車布被囊

而已蜀郡計掾  
舉堪之美

廉范傳不勝師資之情罪當萬坐  
薛漢范之師  
以罪死范收

之歛

王堂傳政存簡一

蘇不韋傳芻廩芻  
藁藏也

羊續傳宥其技附  
技附謂  
從賊者

樊儵傳奏請誅荆引見宣明殿帝怒曰諸卿

以我弟故欲誅之即我子卿等敢爾邪儵仰

而對曰天下高帝天下非陛下之天下也春

秋之義君親無將將而誅焉是以周公誅弟

季友鳩兄經傳大之臣等以荆屬托母弟陛

下留聖心加惻隱故敢請耳如令陛下子臣

等專誅而已廣陵王荆有罪  
儵雜治其獄



樊準傳 準到部開倉廩食慰安生業流人咸

得蘇息

陰識傳 常以臘日記竈而薦黃羊

識祖陰子方以黃羊祀竈

神致富後世因之

馮魴傳 帝案行鬪處知魴力戰乃嘉之曰此

健令也

梁商傳 於是京師翕然稱為良輔帝委重焉

檢御門族未嘗以權盛干法而性慎弱無威

斷

梁冀傳 為人鳶肩豺目洞精矐眇口吟舌言

肩上竦如鳶目直豎如豺洞精矐眇顧視流蕩也口吟舌言吃不明了也

帝少而聰慧知冀驕橫嘗朝羣臣目冀曰此

跋扈將軍也

帝質帝也

壽色美而善為妖態作愁眉噉粧墮馬髻折

腰步齟齬笑

冀妻孫壽愁眉細而曲折噉粧者薄拭目下若啼處墮馬髻側一邊也折腰步足不

任體齟齬笑若齒痛不忻忻也



壽性鉗忌能制御冀冀甚寵憚之

移檄所在調發生兔刻其毛以為識人有犯

者罪至刑死冀起兔苑於河南城西

鄭玄傳時任城何休好公羊學遂著公羊墨

守左氏膏肓穀梁廢疾玄乃發墨守鍼膏肓

起廢疾

義據通深

號為通德門孔融號玄之門

夢孔子告之曰起起今年歲在辰來年歲在

己歲至龍蛇賢人嗟玄以識合之知命當終也

桓榮傳以榮為少傅賜以輜車乘馬榮大會

諸生陳其車馬印綬曰今日所蒙稽古之力

也可不勉哉

桓彬傳辭隆從窾窾下也猶辭尊居卑

滕撫傳揚徐盜賊羣起磐牙連歲磐牙謂相連結

淳于恭傳家有山田果樹人或侵盜輒助為



收採又見偷刈禾者恭念其媿因伏草中盜  
去乃起

周磐傳 公府三辟皆以有道特徵磐語友人

曰昔方回支父嗇神養和不以榮利滑其生  
術吾親已沒矣從物何爲遂不應

方回支父皆  
堯時人嗇愛

惜也滑  
亂也

班固傳 所學無常師不爲章句舉大義而已

風毛雨血灑野蔽天

于斯之時都都相望邑邑相屬國籍十世之  
基家承百年之業士食舊德之名氏農服先  
疇之畝畝商修世族之所鬻工用高曾之規

矩粲乎隱隱各得其所

莫不陸讜水慄奔走而來賓

讜懼也

孕虞育夏甄殷陶周

漢承唐基虞夏殷  
周之先並爲堯臣

斟酌道德之淵源肴覈仁義之林藪

淵源林藪  
喻深邃也

第五倫傳 蜀地肥饒人吏富實掾史家貲多



至千萬皆鮮車怒馬以財貨自達倫悉簡其  
豐贍者遣還之更選孤貧志行之人以處曹  
任於是爭昧抑絕文職修理

鍾離意傳 帝性褊察好以耳目隱發為明故  
公卿大臣數被詆毀近臣尚書以下至見提

拽 顯宗時獨  
意敢諫

宋均傳 江淮之有猛獸猶北土之有雞豚也  
常以為吏能弘厚雖貪汙放縱猶無所害至

於苛察之人身或廉法而巧黠刻削毒加百  
姓災害流亡所由而作

寒朗傳 多有虛引 虛引猶今獄  
言誣扳也

濟南王傳 增無用之口以自蠶食

廣陵王傳 荆性刻急隱害有才能而喜文法

隱害陰  
害也

當為秋霜無為檻羊 秋霜能肅殺檻  
羊受制於人

中山王傳 官騎百人稱媿前行 稱媿齊整也官騎  
百人從衛就國



朱暉傳 疆直自遂南陽朱季

暉字文季

朱穆傳 穆又奏記極諫冀終不悟報書曰如

此僕亦無一可邪

張理天網補綴漏目

胡廣傳 性溫柔謹素常遜言恭色達練事體

大明解朝章雖無謬直之風屢有補闕之益

袁敞傳 廷尉鞠遣歐刀在前棺絮在後魂魄

飛揚形容已枯

張俊謝疏

郭鎮傳 司隸校尉下邳趙興亦不卹諱忌每

入官舍輒更繕修館宇移穿改築故犯妖禁

而家人爵祿益用豐熾

鎮不信醫巫陰陽家言

陳寵傳 十三月陽氣已至天地已交

正月也

寵又鈎校律令條法溢於甫刑者除之

禮之所去刑之所取

陳忠傳 陛下每引災自厚不責臣司臣司狃

恩莫以為負故天心未得隔屏屢臻

隔屏謂水旱不節也



滛雨漏河漏溢也

班超傳 生燕頷虎頸飛而食肉此萬里侯相

也

超欲因此叵平諸國巨遂也

臣不望到酒泉郡但願生入玉門關玉門關屬敦煌酒泉

今肅州

應劭傳 簡其精勇多其牢賞牢賞廩食犒賞也

王符傳 其指訐時短討謫物情足以觀見當

時風政符著潛夫論

仆死深牢銜刀都市

山林不能給野火江海不能實漏卮言俗尚奢靡宜禁也

攻王以石洗金以鹽濯錦以魚浣布以灰言物

有以賤理貴者

仲長統傳 寄愁天上埋憂地下

橋玄傳 又承從容約誓之言徂沒之後路有

經由不以斗酒隻雞過相沃酌車過三步腹



痛勿怨

曹操祭橋玄墓文

崔駰傳

篆乃強起班春

篆駰之祖班春謂布春令

矜矜業業

崔實傳

指切時要言辯而确

确堅正也

申屠蟠傳

安貧樂潛味道守真不為燥濕輕

重不為窮達易節

蔡扈薦蟠

揚震傳

天知神知我知子知何謂無知

王密暮夜懷金

震却之

黃於是時人立石鳥象於其墓所

震葬時有大鳥高丈餘悲鳴畢乃去

陛下之於桓帝亦猶虞舜比德唐堯

震會孫竒對靈帝之

問

我有三不惑酒色財也

震中子秉

恐百姓驚動必有糜沸之亂

震會孫彪爭董卓遷都之語糜沸如粥之

沸于金中也

千乘王傳

國土卑濕租委鮮薄

租委謂租入委輸也

劉陶傳

冰駭風散惟恐在後



蓋勲傳 時人饑相漁食勲調穀稟之

張衡傳 參輪可使自轉木雕猶能獨飛參同三衡善機巧

蔡邕傳 三互法謂婚姻之家及兩州人士不得交互為官也

不宜聽納小吏雕琢大臣也雕琢謂鐫刻以成其罪也

其為邕所裁黜者皆側目思報

左雄傳 白璧不可為容容多後福容容和同也俗以此語相戒

黃琬傳 高功久次久次久居官次也

時權富子弟多以人事得舉而貧約守志者

以窮退見遺

陳實傳 天下以為公慚卿卿慚長實為太邱長子紀為大鴻臚孫羣為司空

臚孫羣為司空

李固傳 大行在殯路人掩涕固獨胡粉飾貌

搔頭弄姿槃旋偃仰從容治步時羣小共作飛章誣固

張奐傳 使馬如羊不以入廐使金如粟不以

入懷奐却羞酋所遺



十要銀艾

陳蕃傳 鄙諺云盜不過五女門以女貧家也

蕃疏諫采女過多

方今一朝羣臣如河中木耳言其汎汎東西浮沉畏害也

王允傳 登臺請霽久雨求止

允性剛稜疾惡稜有稜角

黨錮傳李膺 溷軒溷軒廁屋也

是時朝廷日亂綱紀隳弛膺獨持風裁以聲

名自高士有被其容接者名為登龍門

不肯平署平署連署也膺遭黨事案經三府陳蕃不肯署

杜密傳 隱情惜已自同寒蟬密譏劉勝不能彰瘡善惡

郭泰傳 後歸鄉里衣冠諸儒送至河上車數

千兩林宗惟與李膺同舟而濟衆賓望之以

為神仙焉

林宗雖善人倫而不為危言覈論覈實也

許劭傳 太邱道廣廣則難周仲舉性峻峻則



持少通故不造也

太邱長陳寔仲舉陳蕃字

汝南俗有月且評

劭與許靖共覈論鄉黨人物每月輒更其品題

何進傳 今將軍總皇威握兵要龍驤虎步高

下在心此猶鼓洪爐燎毛髮耳

進從袁紹策召外兵督誅中官故陳

琳諫之

孔融傳

孔北海乃復知天下有劉備邪

融為北海相為

賊所圍求救於備備以為榮

朱儁傳

簡募家兵

家兵僮僕之屬

董卓傳

是時洛中貴戚室第相望金帛財產

家家殷積卓縱放兵士突其廬舍淫略婦女

剽虜資物謂之搜牢人情崩恐不保朝夕

或齎酒肉就天子燕飲

劉虞傳

綏撫荒餘以蔬儉率下

發幽州烏桓三千突騎而牢稟逋懸皆畔還

本國

牢稟軍食也逋懸謂不續

公孫瓚傳

白馬義從

瓚左右善射者數十人皆乘白馬自號白馬義從



袁紹傳 發鞍息馬

登鋒履刃

紹外寬雅有局度憂喜不形於色而性矜慎

自高短於從善故至於敗

循吏任延傳

風雨順節穀稼豐衍

延光武時九真太守

嶺南華風始於二守焉

平帝時錫光為交趾太守

許荆傳

風俗脆薄不能學義

荆和帝時為桂陽太守脆薄猶輕薄也

孟嘗傳

嘗單身謝病躬耕壟次匿景藏采不

揚華藻實羽翮之美用非徒腹背之毛也

酷吏樊曄傳

涼州為之歌曰游子常苦貧力

子天所富寧見乳虎穴不入冀府寺大笑期

必死忿怒或見置嗟我樊府君安可再遭值

宦者傳

皆腐身熏子以自衒達

古者腐刑必熏合之

強折賤買十分顧一

顧謂酬其價也以下並張讓傳

又作翻車渴烏


翻車設機車以取水渴烏為曲筒以氣引水上也

西羗傳

狃怙邊利

怙怙慣習也怙音逝





西公卿選儒容頭過身

選儒柔怯也

西域傳自兵威之所肅服財賂之所懷誘莫不獻方竒納愛質露頂肘行東向而朝天子

*[Faint bleed-through text from the reverse side of the page]*

天保甫



